

Ibrahim Delić



**G**aribi



**Ibrahim Delić**

# **G a r i b i**

Željezno Polje, 1433/2012.



## Bismillahi-r-Rahmani-r-Rahim

Zahvala pripada samo Allahu (dž.š.)!

**N**eka je salavat i selam na našeg miljenika Muhammeda (s.a.w.s.), koji je poslan kao onaj koji opominje i donosi radosne vijesti, te da bude jasna svjetiljka svim ljudima do Sudnjeg dana. Neka je spas na njegovu porodicu, ashabe i one koji će slijediti Poslanika (s.a.w.s.) do Sudnjega dana.

Dragi moj brate i plemenita sestro, napisao sam ovu knjižicu u teškim vremenima u kojima i ja živim i preživljavam zajedno s vama - vrijeme u kojem nije na cijeni onaj koji čini dobra djela. Nije vrijedno ono što je moralno i što bi trebalo krasiti jednog čovjeka, kao hrabrost, poštenje, čednost, učenost, iskrenost, pokrivanje stidnih mjesta, upućivanje na dobro i odvrćanje od zla, već je vrijednost griješenje, blud, kocka, psovka, otkrivanje žena, laž, prevara, droga,... Stvarnost je da mi živimo u ovoj necivilizaciji, donesenoj sa Zapada, iz Amerike, preko elektronskih i printanih medija (televizije, pornografskih časopisa, radija) i javnog mnijenja. Sjećam se jednog kršćanskog misionara kada je rekao: "Jedna pjevačica će među muslimanima više napraviti pometnje nego hiljadu topova." Neka je selam i

salavat na Poslanika (s.a.w.s.) koji je uvijek govorio istinu, on kaže: "Ostavljam vas na čistom, noć je kao dan i s pravog puta može skrenuti samo griješnik inadžija." (Ahmed, Musned 4/126; Ibn Madže, 43).

Ummet danas broji milijardu i stotine miliona. Gdje su muslimani i njihove marionetske vlade? Imamo 50 država, 50 vojski, 50 predsjednika, 50 zakona. Šta se radi ummete od tebe, gdje ti je nekadašnji ponos, kada su muslimani izdavali naredbe i zabrane?! Tada su morali svi tu naredbu poštivati, i muslimani i kafiri! Gdje je ummete islamska civilizacija, kada je u Kordovi, u muslimanskoj Španiji, bila rasvjeta i popločane ulice, a u Parizu bilo blato i makadam, a o rasvijeti se nije smjelo ni govoriti?! Muslimani su imali kupatila u Španiji i drugim mjestima, dok je u Parizu labor istresan kroz prozor.

## Šta je, ummete, razlog nazatka?!

**E**vo odgovora! Pitao je jedan kršćanin muslimana: “Zašto vi govorite o vašoj vjeri da je ona progres, spas i napredak, a vidite kako su muslimani ‘nazadni’?” Odgovorio mu je jedan od učenih muslimana: “Vi ste ostavili, a i mi smo ostavili!” - “Kako to?”, upita kršćanin. A musliman mu na to odgovori: “Vi ste ostavili kršćanstvo i napredovali ste, a mi smo ostavili islam i nazadovali smo.”

U statistici se navodi da je u svijetu više od osamdeset miliona izbjeglica od čega oko šezdeset miliona muslimana, počevši od Afganistana, Bosne, Čečenije, Kosova,... Zašto ummete muslimanski? Zar ne čitate ajet: *“I čvrsto se Allahova (dž.š.) užeta držite i nipošto se ne razjedinjujte.”* (Ali Imran, 103.) *“I pokoravajte se Allahu (dž.š.) i Poslaniku Njegovom, i ne prepirite se da ne biste klonuli i bez borbenog duha ostali. Budite izdržljivi, jer Allah (dž.š.) je zaista na strani izdržljivih.”* (El-Enfal, 46.). *“O vjernici, odazovite se Allahu (dž.š.) i Poslaniku (s.a.w.s.) kad od vas zatraži da činite ono što će vam život osigurati.”* (El-Enfal, 24.)

“Kafiri ne daju nafaku, niti mogu uništiti muslimane.” (Muslimov sahih, 2215, prenosi se od Sevbana, r.a.) Molio je Poslanik (s.a.w.s.) da nevjernici ne unište njegov ummet, pa mu je udovoljeno. Molio je da njegov ummet ne uništi gladu i udovoljio mu je. A molio je da pripadnici njegovog



ummeta ne ubijaju jedni druge i nije mu udovoljeno. (Muslim) Kaže Uzvišeni: *"A na nebu je opskrba vaša i ono što vam se obećava."* (Ez-Zarijat, 22.)

Čini mi se da muslimanski ummet nije bio u gorem stanju otkako je Kur'an objavljen, kao što je ovih stoljeća. Unatoč tome, postoje ljudi koji se bore za istinu, za islam. Bore se da Allahova (dž.š.) riječ bude gornja, a nevjernika i drugih stvorenja donja. Njih je malo kao i obično. Dobro reče jedan pjesnik: "Muslimani su manjina među nevjernicima, mu'mini su manjina među muslimanima, a učenici su manjina među mu'minima." (Gurbetu gureba od Ibn Kajjima).

Zato u ovoj brošuri govorimo o ovoj manjini koja nosi najveći teret u islamu, a uvijek je napadaju, prozivaju i nadijevaju joj razna imena, zatvaraju ih, obeščašćuju njihove porodice, ostavljaju djecu bez roditelja, njihove žene bez muževa i oni često bivaju bez svoje domovine, zbog njihovog opredjeljenja i svrstavanja u ovu grupu, tj. gariba.

Lijepo reče Šejhu-l-Islam Ibn Tejmije: "Život je jedan, pa neka bude na Allahovom putu." A njegova poznata izreka, kada je bio u zatvoru, glasi: "Šta mi može moj neprijatelj, moj Džennet je u mojim prsima?! Ako me ubije - ja sam šehid, ako me protjera - pa to mi je turizam, a ako me zatvore - pa to je moje osamljivanje sa Allahom, šta mi može moj neprijatelj?!"

Ibrahim ibn Edhem (r.a.) je rekao da kafiri i munafici znaju šta je u našim prsima i kakvu ljepotu osjećamo u islamu, probali bi nam to oteti, pa makar i s oružjem. Elhamdulillah, ovo je osjećaj svakog muslimana i svaki vjernik treba ovako razmišljati. Zapaža Ibn Tejmije kada kaže "Ako stanovnici Dženneta osjećaju ono što ja osjećam u svojim grudima imaju lijep osjećaj."



## Garibi

Po definiciji, garibi su usamljenici ili pojedinci. Šerijatska definicija podrazumijeva ljude koji su na Istini, pozivaju Istini i bore se za nju. Allah (dž.š.) je učinio svojim sunnetom da islam počinje na ovakav način, pojedinačno ili u malim skupinama.

Kaže Uzvišeni u suri Hud: *“A zašto je među narodima prije vas bilo samo malo čestitih koji su branili da se na zemlji nered čini, koje smo Mi spasili? A oni koji su zlo radili, odavali su se onome u čemu su uživali i grješnici postali.”* (116. ajet)

U vremenu halife Omera ibn Hattaba slušao je Omer r.a. nekog čovjeka kako čini dovi Allahu dž.š kod Kabe. Njegova dova je glasila “Gospodaru učini da budem od manjine tvojih robova i proživi me sa tom manjinom, pa mu je halifa Omer rekao: Kakva je to dova? A čovjek mu odgovori o emiru-l-muminin zar ne znaš da je Allah (dž.š.) rekao: *“A malo je zahvalnih među robovima Mojim”* (sura Saba 13. ajet) ”.

U suri Jusuf 103. ajetu Allah (dž.š.) objavljuje Muhammedu (s.a.v.s.) “A većina ljudi, ma koliko ti želio neće biti vjernici.”

Ovaj ajet kao da opisuje naše stanje danas. Vrlo malo je onih koji zabranjuju da se nered čini, a puno je onih koji su se odali grijesima, onome u čemu uživaju. Ibn Kajjim kaže: "Vrlo malo je učenih koji se bore protiv zla. Da nas Allah sačuva ovakvih iskušenja!"

Da je islam počinjao s pojedincima, govore nam mnogi hadisi Poslanika (s.a.w.s.), od Abdullaha ibn Mes'uda. Rekao je Poslanik (s.a.w.s.): "Zaista, islam je počeo pojedincima i povratit će se s pojedincima kako je i počeo, pa blago pojedincima." (Ahmed, Ibn Madže, sahih-hadis)

Ne možemo pričati o pojedincima a da ne spomenemo poslanike. Svi poslanici su bili garibi. Adem (a.s.) se žalio na samoću, pa je Allah (dž.š.) od njegovog rebra stvorio Havu (r.a.), i on je prvi čovjek koji je ispovijedao islam. ("Kazivanje o Vjerovjesnicima", Ibn Kesir)

Nuh (a.s.) je pozivao u vjeru hiljadu manje pedeset godina. Na poziv mu se odazvalo vrlo malo. Jedni kažu 8, a drugi 12, dok treći kažu 80 ljudi. Nevjernici su, na samrti, u doba Nuha (a.s.) ostavljali vasijet svojoj djeci da ne idu za Nuhom (a.s.), pokrivali bi odjećom oči kada prolaze pored njega, a kada bi im govorio, stavljali bi prste u uši da ne čuju. (Tefsir sure Nuh, Ibn Kesir). Nuh (a.s.) je poslanik koji je pozivao danju i noću, bio je ustrajan u da'wi, iako mu se vrlo malo odazivalo. Svakih 12 godina je jedan čovjek prilazio njegovoj da'wi (tevhidu). On reče: "*Gospodaru moj, ja sam narod svoj i danju i noću pozivao, ali ga je pozivanje moje još više udaljilo.*" (Sura Nuh, ajet 5 i 6). Nuh (a.s.) je dokaz svakom daiji da ustraje u da'wi.

Ibrahim (a.s.)! Allah (dž.š.) za njega kaže da je sam on ummet, sam se borio protiv kipova i Nemruda koji je se smatrao božanstvom. Zato Ibrahima (a.s.) zovu ocem tevhida, jer nije ni malo razmišljao da sam kaže vladaru nasilniku istinu u lice. Odrekao se oca Azara koji je klesao kipove a i kipova koje su obožavali mimo Allaha (dž.š.). (Muntehine, 4) Allah (dž.š.) mu je u tome pomogao jer se samo na Njega oslonuo. I zato mu je došao melek Džibril, kada je bačen u vatru, dok je letio s katapulta u veliku gomilu drva i vatre (žari), i rekao: "Hoćeš li da ti pomognem?" Odgovara mu Ibrahim (a.s.): "Ako je od tebe neću, a ako je od Allaha hoću!" Allah (dž.š.) mijenja prirodni zakon, naređuje vatri da bude hladna, ali ne toliko hladna da se Ibrahim (a.s.) smrzne. (Tefsir Ibn Kesir). Zar Ibrahim (a.s.) nije bio garib?! Ali Allah (dž.š.) čuva svoje robove...

On, Uzvišeni, kaže u suri Et-Talak: *"Ko se Allaha boji, naći će mu izlaz, opskrbit će ga odakle se i ne nada."* (2. i 3. ajet). Rekao je Alija (r.a.): "Naređivanje na dobro i odvrćanje od zla ne smanjuje nafaku i ne ubrzava edžel."

Musa (a.s.)! Njegova borba s faraonom, sabur pri pozivu svoga naroda Izraelćana, borba sa sihirbazima, on sam, a 70 000 sihirbaza - Allahu ekber! Pobjeđuje Musa (a.s.), jer Allah (dž.š.) ne ostavlja svoje robove na cjedilu i bez podrške. Prenosi se priča iz vremena kada je Musa (a.s.) izašao iz Egipta, poslije ubistva Kopta. Išao je prema Medjenu gladan, umoran, prašnjav, poderan. Sjede pod drvo i obrati se svome Gospodaru kako je slab,

iznuren, gladan, sam, usamljen. Kaže on: “O Gospodaru, sâm sam, bolestan sam, usamljen sam.” Odgovara mu Allah (dž.š.) iznad sedam nebesa: “O Musa, sâm je onaj koji nema prijatelja poput Mene, bolestan je onaj koji nema doktora poput Mene, slab je onaj koji ne održava vezu između Mene i njega.” Subhanallah, Allah (dž.š.) je zaštitnik vjernika i njihov pomagač. (Ibn Kajjim, “Usamljenost usamljenika”) Zato nikad ne misli, brate i sestro, da si bez podrške i pomoći Allahove, nisi sâm, nisi nemoćan. Allah (dž.š.) je rekao (hadisi-kudsijju, od Ebu Hurejre, r.a.): “Ko napada mog roba, ja mu objavljujem rat.” (Buhari i Muslim)

Isa (a.s.) sa svojih dvanaest havarijuna nije imao više mjesta na zemlji. Allah (dž.š.) ga uze ispred očiju njegovih neprijatelja. Garib nad garibima! Židovi su htjeli da ga ubiju bez opravdanog razloga, kao što danas ubijaju muslimane Palestine praveći na silu cionističku državu, vještačku tvorevinu uz pomoć “pravedne”, “demokratske” Amerike. Mrze muslimane radi njihova tevhida, kao što su mrzili i Isaa (a.s.). On(a.s.) će se vratiti, vidjet će ga svojim očima, i oni i kršćani koji su mu rekli da je bog, neuzubillah, da je izašao na polni organ žene, da ima djecu i da su oni njegova djeca. Isa (a.s.) će slomiti krst, ubiti svinju, ukinuti židovima i kršćanima džiziju, izlaz će biti islam ili smrt.

Prenosi se od Abdullaha ibn Amra da je Poslanik (s.a.w.s.) rekao: “Najdraža stvorenja Allahu (dž.š.) su garibi.” Upitaše ga: “A ko su garibi?” On (s.a.w.s.) im reče: “Oni koji bježe sa svojom vjerom, Allah (dž.š.) će ih

spojiti s Isaom (a.s.) na Sudnjem danu.” (Imam Ahmed, “Kitabul Zuhd”). I Muhammed (s.a.w.s), koji je dobio Objavu kada je čitav svijet stenjao od kufra, nije posustao. Uporno je pozivao iako su ga smatrali ludim, pjesnikom, čarobnjakom. Trinaest godina je pozivao u Mekki, a kada su hidžru činili, bilo ih je 60-80, ljudi i žena. Zato vjernik i vjernica moraju da saburaju na ovom uzvišenom putu, putu koji ne obećava vile i kule u oblacima. Istinu je rekao Poslanik (s.a.w.s.): “Put do Dženneta je trnovit, a put do Džehennema ukrašen.” (Autori “Sunena”).

## Osobine gariba

**G**aribi su uglavnom manjina. Uvijek je malo onih koji nose uzvišene ciljeve i posjeduju više moralnih vrijednosti. Kao što Uzvišeni kaže u suri Hud, 116. ajet: *“A zašto je među narodima prije vas bilo malo onih koji su zabranjivali da se nered čini na zemlji?”* I Našem Poslaniku, Muhammedu (s.a.w.s.), kaže da većina u njegovom ummetu neće biti vjernici, u suri Jusuf, 103. ajet: *“A većina ljudi, ma koliko ti želio, neće biti vjernici.”* Poslanik (s.a.w.s.) je nagovijestio da je to manjina, u hadisu od Abdullaha ibn Amra. Kaže: “Rekao je Poslanik (s.a.w.s.): ‘Zaista je islam počeo slab i povratit će se slabim, pa blago pojedincima (slabićima).’ Upitaše ga: ‘Ko su ti pojedinci?’ Kaže: ‘Malo je dobrih ljudi među mnoštvom nevaljalih. Puno je onih koji ih ne slijede, a malo ih je koji su s njima.’” (Ahmed ibn Mubarek, Zuhd, 2.tom, 177- 222. str. i 775. str.)

Rekao je pjesnik:

*“Nije sam onaj ko nema komšija oko sebe,  
već je sam onaj ko nema vjernika kao što je on.”*

(Gurbetu Guraba od Ibn Kajjima)

Kaže jedan od cijenjenih alima: "Islam je počeo sa slabim i povratit će se sa slabima."

Vjernik ne treba očekivati da će mase ljudi biti kao on, a pogotovo daija koji poziva, da ne bi pao u pesimizam, napustio vjeru ili pozivanje, u slučaju da vidi kako mase ne idu za njim. Dragi brate i plemenita sestro, moramo znati da Allah (dž.š.) ljude upućuje, a ne mi, jer mi samo ukazujemo na put koji je već nacrtan i to se u arapskom jeziku zove *iršad*, a ne *huda*.

I znajmo da je Allahov Poslanik (s.a.w.s.) bio na Israu i Miradžu i da je vidio poslanike koji nemaju niti jednog sljedbenika. I na Sudnjem danu će proći poslanici koji neće voditi ni jednog sljedbenika. (Buhari) Često daiji mase budu iskušenje, pa kada ga masa sluša ili čita njegove knjige, misli da je on vrijedniji od drugih i pokvari mu se nijet. Rekao je Abdullah ibn Mubarek jednom čovjeku, upućujući mu savjet: "Kada vidiš prvog čovjeka na ulici, pomisli da je bolji od tebe."

Poslanik (s.a.w.s.) je rekao, u suri Kehf se prenosi: "*Ja sam čovjek kao i vi..*" (ajet 110.) I kaže Uzvišeni u suri Ed-Duhan: "*Mi nismo stvorili nebesa i Zemlju, i ono što je između njih, da bi se igrali. Mi smo ih stvorili s ciljem, ali većina njih ne zna.*" (38. i 39. ajet)



## Da'va

Ova skupina ljudi ima svojstva daija, zbog ovih i sličnih stvari i jesu čudni - kako se može na jedan način prevesti riječ garibi. Čovjek je nepoznat među ljudima sve dok ne počne raditi dobro ili odvrćati od zla, onda postaje čudan u pozitivnom ili negativnom smislu. Sjećam se izreke Hasana El-Basrija: "Da se pojave ashabi među vama, mislili bi da su ludi." Šta misle, muslimani, da se pojavi jedan od ashaba, pa da vidi kakve sve grijehe muslimani rade?! Ummet Muhammeda (s.a.w.s.) pao bi pred očima svih u komu.

Da'va je put svih poslanika i vjerovjesnika, zbog nje su ubijani poslanici, zbog nje je Ibrahim bačen u vatru, Zekerijah ubijen, Jahji je odsječena glava. Zbog nje su pali šehidi i ubijani ili bičevani učenjaci, zbog nje se danas hapse, progone i zatvaraju mnogi. Daije su najbolja stvorenja na zemlji, to je rekao i Allah Uzvišeni u suri Fussilet, u 33. ajetu: *"A ko govori ljepše od onoga koji poziva Allahu, koji dobra djela čini i koji govori: 'Ja sam doista musliman.'"* Ovo je put i cilj svih koji žele Allahovu (dž.š.) milost i najveće stepene u Džennetu. Kaže jedan od učenjaka, Sufjan ibn Ujejne: "Daije su Allahovi miljenici."

Allah (dž.š.) u suri Jusuf (108. ajet) ocrtava put Poslanika i vjernika kada kaže: *“Reci: ‘Ovo je put moj, ja pozivam ka Allahu imajući jasne dokaze, i ja i oni koji me slijede. Neka je hvaljen Allah, ja njemu ne smatram nikoga ravnim’.”*

Daija kroz svoju da'vu mora promovirati islam, a ne svoje interese, to jest da se ne promoviraju organizacije ili daija kroz islam.

Allah (dž.š.) je rekao: *“Reci: Ovo je moj put, ja pozivam Allahu, a ne sebi.”*

Poslanik (s.a.w.s.) opisuje u hadisu ko su garibi, ko su ti koji pozivaju u Allahovu (dž.š.) vjeru: “Islam je počeo tuđinski i povratit će se tuđincima - kako je i počeo, pa blago tuđincima.” Rekoše: “Ko su tuđinci, o Božiji Poslaniče?” Rekao je: “Oni koji oživljavaju sunnet i poučavaju ljude njemu.” (El-Begavi, “Šerhu sunnet”, 1. tom, 12. str.) Zaista Allah (dž.š.) voli svakog slabog, nemoćnog, bogobožnog, čistog, za kojeg niko ne pita kada ga nema, a kada je prisutan - niko ga ne zna. Srce mu je ispunjeno uputom i iz svake fitne on izađe siguran i postojan.

Imamo lijep primjer u Đulejbibu koji nije bio lijepog izgleda. Niko nije htio dati svoju kćerku ili sestru za njega, pa je došao Poslanik (s.a.w.s.) da ga oženi. Rekao mu je da ide tome i tome i da traži njegovu kćerku, da mu kaže kako Poslanik (s.a.w.s.) traži od njega da uda svoju kćerku za njega (za Đulejbiba). Kada je došao na vrata tog ashaba, on je se počeo suprostavljati, pa je djevojka,

koja je bila primjer vjernice, rekla babi: "Je li to rekao Poslanik (s.a.w.s.)?" Kaže: "Jeste." - "Pa kako se smiješ suprostaviti njegovom naređenju? Udaj me za njega." - reče djevojka. Tu noć je trebao biti pokret za Bitku na Uhudu. Kada je čuo poziv, krenuo je, a nije ni spavao s mladom. Kada je završena bitka, Poslanik (s.a.w.s.) upita ashabe ko fali. Sve spominju, samo niko ne spominje Đulejbiba, pa Poslanik (s.a.w.s.) reče: "Meni neko fali, gdje vam je Đulejbib?" Kada su došli do njega, našli su 7 ubijenih mušrika, a i on leži mrtav. Zaplaka Poslanik (s.a.w.s.) i reče: "On je od mene, a ja sam od njega." (Muslim) Kako su ti ljudi kod Allaha (dž.š.) veliki, a u očima ljudi mali.

I danas ima ljudi, i jedne i druge vrste, koje smatraju nepoželjnim u društvu, i zlo po državu u kojoj se nalaze. Dobro reče Omer (r.a.): "Da nije noćnog namaza, jahanja konja (džihada) i učenih i dobrih ljudi (ovakvih) na zemlji ne bi vrijedno bilo živjeti." On je rekao i: "O Omere, da te majka bogdom nije rodila?!"

## Ustrajnost

Ustrajnost je neophodna da bi vjernik i vjernica izdržali na ovom putu.

Postoje tri vrste sabura:

1. Sabur na Allahovim (dž.š.) naredbama (da čovjek izvršava Allahove, dž.š., naredbe i da ih ne ostavlja ni u kojem slučaju)

2. Sabur na Allahovim (dž.š.) zabranama (da insan ne radi ono što je Allah, dž.š., zabranio, kao što su blud, alkohol, muzika, krađa, laž, ogovaranje, prenošenje tuđih riječi, psovanje itd.)

3. Sabur na iskušenjima (svaki vjernik i vjernica moraju znati da u Džennet neće ući osim čisti od grijeha)

Allah (dž.š.) je u suri Zumer, 73. ajet, objavio vjernicima kako će ih melec dočekati na vratima Dženneta i reći: *“Mir vama, od grijeha ste čisti, zato uđite u njega, u njemu ćete vječno boraviti.”*

Allahu ekber! Koja radosna vijest. Ima li ljepšeg habera za vjernika od vječnog uživanja?! Kaže imam Kajjim El-Dževzi: “Vjernik uradi grijeh iza kojeg ne traži oprost a pa mu Allah (dž.š.) dadne iskušenja na dunjaluku,

pa ga ni to ne očisti, pa mu dadne tešku smrt, pa ga ni to ne može potpuno očistiti, pa mu da iskušenja u kaburu, pa ga ni to ne može očistiti, pa izađe na stojanje na Sudnjem danu, pa ga ni to ne može očistiti, pa uđe u Džehennem i tamo ga vatra očisti od grijeha pa ga Allah uvede u Džennet.“ (Medaridžu-s-Salikin)

Iskušenje je sunnetullah (Allahova naredba), jer su iskušani i oni koji su bili bolji od nas. Kaže Allah Uzvišeni u suri Bekare, 214 ajet: *“Zar vi mislite da ćete ući u Džennet, a još niste iskusili ono što su iskusili oni koji su bili prije vas i nestali. Njih su satirele neimaština i bolest, i toliko su bili uznemiravani da bi i Poslanik, i oni koji su s njim vjerovali uzviknuli: ‘Kada će Allahova pomoć?!’ Eto, Allahova pomoć je zaista blizu.”* Kada su u ovakvu situaciju dolazili Poslanici i njihovi ashabi - za koje je Allah (dž.š.) rekao: *“Vi ste najbolji ummet koji se ikad pojavio.”* (Ali Imran, 110. ajet) - šta je onda za nas, ko smo mi da nemamo iskušenja?! Allah (dž.š.) traži od nas borbu.

- a) Mudžaheda (borba sa samim sobom)
- b) Murakaba (nadgledanje ispravnosti vlastitih djela)
- c) Muhaseba (samoobračunavanje)

Allah (dž. š.) će provjeriti svakoga - zašto je povjerovao, je li njegova vjera licemjerna ili je istinski uzeo Allaha (dž.š.) za Gospodara, i to je obećao u mnogim ajetima. Kako samo počinje sura El-Ankebut: *“Elif Lam Mim. Misle li ljudi da će biti ostavljeni ako kažu: ‘Mi vjerujemo’, a da neće biti iskušani?! Zar nismo*

*u iskušenje dovodili i one prije njih da bi Allah znao ko su iskreni vjernici, a ko su oni koji lažu?” (1,2. i 3. ajet.) Allah (dž.š.) traži od vjernika da potvrde svoj iman džihadom, u suri Ali Imran:*

*“Zar mislite da ćete ući u Džennet, a da Allah ne ukaže na one koji se bore i na one koji su izdržljivi?” (142. ajet.) Sličan ovom nalazi se i ajet u suri Muhammed: “Mi ćemo vas provjeravati sve dok ne ukažemo na borce i izdržljive među vama, i vijesti o vama provjeravat ćemo.” (31. ajet)*

Allah (dž.š.) traži dvije stvari iz ovih ajeta - borbu i sabur, i zbog toga je iskušenje, a Allah (dž.š.) ne ostavlja nikoga na cjedilu. Obećao je Uzvišeni vjernike pomoći. *“I mi smo dužni vjernike pomoći.”* I pomogao je u Bici na Bedru i u ostalim bitkama. Na ovom teškom putu do Dženneta ustrajati se mora, na to nas upućuju, braćo i sestre, ajeti i hadisi, i na tom putu nam ne može niko nauditi, ma ko on bio i kako se zvao, jer Allah (dž.š.) voli izdržljive robove.

*“A koliko je bilo Vjerovjesnika uz koje su se mnogi iskreni vjernici borili, pa nisu klonuli zbog nevolja koje su ih na Allahovom putu snalazile i nisu posustajali, niti se predavali, a Allah izdržljive voli.” (Ali Imran, 146. ajet.) Iskreni vjernici opisani u ovom ajetu su skupina koja ne poznaje klonulost, umor, strah od ljudi, oni su odabranici ovoga ummeta. El-Begavi kaže: “Nisu klonuli, tj. nisu strahovali.” Kaže Mukatil: “Oni se nisu predali niti se pokorili neprijatelju.” Kaže Sadijj: “Nisu se ponizili.” Kaže Ata: “Nisu se žalili stvorenjima zbog*

onoga što ih je zadesilo, niti su tražili da im se neko smiluje i pomogne im.” (Vidi islamske teme od Saliha Kurdića, str. 30 i 31.)

Znači, nisu kao današnji muslimani koji traže pomoć od Amerike i Evrope da ih spašavaju u borbi protiv istih kafira. Kao da vuk čuva ovce ili još gore! Kao da muslimani u Dagestanu, Čečeniji, Afganistanu, a možda i ovdje, traže da im kafiri pomognu da se bore protiv muslimana. A s druge strane kafiri iskorištavaju tzv. muslimane protiv vjernika koji hoće da Allahov (dž.š.) zakon vlada.

Ustraj ummete, ne mogu ti ništa! Kada bi se svi kafiri i munafici skupili, ti si pod zaštitom Uzvišenog Allaha i Allah (dž.š.) će ti, inšaAllah, dati pobjedu. Samo ustraj!

Rekao je Poslanik islama Muhammed (s.a.w.s.): “Dok se skupina moga ummeta pridržava Allahovih odredbi, neće im naštetiti onaj koji ih na cjedilu ostavi, ili ko im se suprotstavi, i tako sve do Allahove odredbe (Sudnji Dan), a oni će biti uzdignuti nad ljudima.” (Muslim.)

Zar ova skupina nije uzdignuta? Allahu Ekber!

Dok ljudi plaćaju sume novca da budu na medijima, ova skupina bez i jednog dinara gostuje svaku noć na svakoj televiziji, radiju, internetu. Vjernici im se dive i oni su im alternativa, a kafiri i munafici dobijaju sve veći strah.

Prenosi se od Ebu Hurejre da je Resulullah (s.a.w.s.) rekao: “Dok se skupina moga ummeta čvrsto pridržava Allahovih odredbi, neće im naštetiti onaj ko im se suprotstavi.” (Ibn Madže.)



Prenosi se od Bekra Ibn Malika El Magfirija da je Resulullah (s.a.w.s.) rekao: "Blago garibima koji se čvrsto drže Allahove knjige kada bude napuštena, koji poučavaju sunnetu kada se bude gasio." ('Gurbetu gureba' od Ibni Kajjima.)

Allah (dž.š.) je obećao pobjedu uz ove šartove. I kaže Uzvišeni: *"Ne gubite nadu, ne žalostite se. Vi ćete pobijediti ako budete vjernici."* (Ali Imran, 139. ajet.)

U suri Hadždž, u 78. ajetu: *"Borite se Allaha radi, onako kako se treba boriti. On vas je izabrao."*

On je nas, braćo i sestre, izabrao od svih ljudi da mi nosimo istinu, da u ovom vremenu smutnje živimo i da se za Istinu borimo. Ne treba da posustajemo na emanetu koji smo uzeli i da ne čekamo nagradu od ljudi, već od Gospodara nebesa i Zemlje, koji je sve stvorio i koji će nas za to nagraditi. To je obećao kada je rekao: *"I reci: 'Trudite se, a Allah će trud vaš vidjeti, a i Poslanik Njegov, i vjernici, i vi ćete biti vraćeni onome koji poznaje vidljivi i nevidljivi svijet, pa će vas On obavijestiti o onome što ste radili'."* (Tevba, 105. ajet.)

Ne smije nam niko stati na put, nikoga se ne trebamo bojati i ničiji hatar gledati osim Allahovog (dž.š.). Ako odustanemo od ovoga puta, sami sebi smo vatru odredili, a Allah (dž.š.) može bez nas, i On će dovesti druge ljude. Ako nisu htjeli Arapi nositi islam, Allah (dž.š.) je izabrao Turke, a ako neće Turci, hoće Čečeni i Afganistanci, pa ponovo Arapi u Palestini. Allah (dž.š.) dovodi novi narod ako mi nećemo.

*“O vjernici, ako neko od svoje vjere otpadne, pa Allah će sigurno umjesto njih dovesti ljude koje On voli i koji Njega vole. Prema vjernicima ponizni a prema nevjernicima ponositi, oni će se na Allahovom putu boriti i neće se ničijeg prijekora bojati, to je Allahov dar. On ga daje kome On hoće, Allah je neizmjereno dobar i zna sve.”* (Maide, 54. ajet.)

Od Seida El-Hudrija se prenosi hadis-kudsi, Poslanik (s.a.w.s.) je rekao: “Ne ponižavajte sami sebe. - Kako ponižavamo sami sebe, o Allahov Poslaniče?” Kaže Poslanik (s.a.w.s.): “Kada vidite loše djelo i ne uklonite ga, dođete na Sudnji Dan i Gospodar vas pita zašto nisi uklonio to djelo nevaljalo? - ‘Bojao sam se ljudi’ - odgovorit će. “Preče je da se Mene plašiš, bacite ga u Džehennem!” (Muslim.)

Allahu Ekber! Ima li veće patnje i poniženja? Zbog ovoga su poslanici, ashabi i daije voljeli biti bačeni u vatru, biti bičevani i zatvarani kao što je Ibrahim (a.s.), Muslim El-Havalani, Ahmed Ibn Hanbel, Ibn Tejmije, Ebu Hanife, nego da budu bačeni u džehenemsku vatru.

Poslao je Ebu-Bekr (r.a.) muslima El-Havalanija kao daiju u Jemenu. Esved el-Ansi bacio ga je u vatru i rekao mu: “Ako tvrdiš da si takav musliman i na pravom putu, Allah će te spasiti od vatre.” I tako je i bilo, izašao je Muslim iz vatre, vatra ga nije ni opržila. Vratio se u Medinu i ispričao to Ebu-Bekru (r.a.) i Omeru (r.a.). Omer (r.a.) je rekao: “Hvala Allahu koji je dao i u ummetu Muhammeda (s.a.w.s.) da Allah (dž.š.) spasi čovjeka vatre, kao što je spasio i Ibrahima (a.s.)”

Od Aiše (r.a.) prenosi se hadis da je Poslanik (s.a.w.s.) rekao: "Ko bude gledao hatar Allahov na štetu ljudi, Allah će ga štititi od ljudi. A ko bude gledao hatar ljudi a izazivao srdžbu Allaha, Allah će ga prepustiti ljudima."

Svi smo Allahovi i Njemu se vraćamo. Ko se bude bojao Allaha (dž.š.) njega će se svako bojati, a ko se bude bojao nekoga osim Allaha (dž.š.), on će se svakoga bojati. Razmislite o ovome!

U hadisu od Ibn Abbasa stoji da mu je Poslanik (s.a.w.s.) rekao: "Kada bi se čitav svijet okupio da ti naudi, ne može ti nauditi osim što ti je Allah propisao." (Tirmizi.)

## Napomena

Možda će čitalac ove skripte pomisliti da ova mala skupina nema uspjeha i da uvijek živi u mraku tegoba i iskušenja, da nikad neće vidjeti procvat islama i buđenje masa. Ko ovako bude shvatio iz ove knjige, nije shvatio suštinu poziva u kojeg islam poziva. Iako je u narodima prije nas bilo vrlo malo onih koji su bili čestiti, kako kaže Allah (dž.š.) u suri Hud, 116. ajet: "*Ipak su imali uspjeha i budili su mase, i pobjeđivali neprijatelje s vrlo malim brojem vojnika.*" Navodimo primjer Taluta i Džaluta, kada je Talut porazio Džaluta. Iako je Džalutova vojska bila mnogo brojnija, dali su se u bijeg.

Allah (dž.š.) u suri Bekare, u 241. ajetu spominje kako se odvijao ovaj slučaj. Rekli su ljudi iz Talutove vojske: "*Mi danas ne možemo izaći na kraj sa Džalutom i njegovom vojskom*". Ali oni koji su čvrsto vjerovali u

Allaha (dž.š.) rekoše: *“Koliko su puta malobrojne čete Allahovom voljom nadjačavale mnogobrojne čete. Allah je na strani izdržljivih.”* I kada nastupiše prema Džalutu i vojsci njegovoj, oni zamoliše: *“Gospodaru naš, nadahni nas izdržljivošću i učvrsti naše korake, i pomози nas protiv naroda koji ne vjeruje.”* (250. ajet.) I oni ih, Allahovom (dž.š.) voljom, poraziše. Davud ubi Džaluta, Allah (dž.š.) mu dade vlast i vjerovjesništvo i nauči ga onome čemu je On htio. A da Allah (dž.š.) ne suzbija ljude jedne drugima, na zemlji bi doista nered nastao, ali Allah (dž.š.) je dobar svim svjetovima. (251.) To su Allahove (dž.š.) pouke koje mi tebi istinito kazujemo, a ti si zaista Poslanik (252.)

Neki od mufesira kažu da je Talutove vojske bilo koliko je bilo ashaba na Bedru, a Džalutove desetine hiljada. A ipak su ih pobijedili, jer ih je Allah (dž.š.) podržao zbog njihove vjere i dove njihove. Kada su rekli: *“Gospodaru naš, nadahni nas izdržljivošću (podari nam sabur da ne pobjegnemo s bojnog polja), i učvrsti korake naše (tj. da nas ne poljuljaju), pomози nas protiv naroda koji ne vjeruje (tj. znali su da pobjeda dolazi od Allaha, dž.š.).”* I Allah (dž.š.) im je dao pobjedu, elhamdulillah.

Drugi primjer je Musaova (a.s.) skupina. Musa (a.s.) je na početku bio sam, pobjegao je iz Egipta u Medjen od straha da ga faraon i njegov narod ne ubiju. Poslije se, po Allahovoj (dž.š.) naredbi, vraća u Egipat i pred njim 70 000 čarobnjaka prihvata islam, te izvodi iz Egipta 400 000 ljudi iz Benu Israila. Kada je Poslanik (s.a.w.s.) bio na Miradžu, vidio je veliku skupinu ljudi i pomislio je da je to njegov ummet, a Džibril mu je rekao da je to Musaov (a.s.) narod.

## Stanovnici pećine (ashabu-l-kehf)

Allah (dž.š.) govori koliko ih je bilo: *“Jedni su rekli da ih je trojica bilo - a pas njihov četvrti, drugi su rekli peterica - a pas njihov šesti.”* Allah (dž.š.) negira njihovo mišljenje i kaže: *“Nagađaju ono što ne znaju, dok će neki reći bila su sedmerica - a pas njihov je bio osmi. Gospodaru mome je dobro poznat njihov broj, samo malo njih to zna.”* Ovo zadnje mišljenje Allah (dž.š.) nije negirao, što je dokaz da je ispravno. Na ovom stanovištu je i Ibn Abbas, koji je prvi tumač Kur’ana poslije Poslanika (s.a.w.s.). Od njih su poslije mnogi izvukli pouku i vratili se u vjeru, iako su oni kao manjina pobjegli iz svog naroda, zato što je taj narod bio griješan i činili sve vrste razvrata.

Četvrti primjer je naš Poslanik (s.a.w.s.). Krenuo je sam s pozivanjem u islam, a kada je išao na oproštajni hadždž, 9. godine po Hidžri, s njim je bilo 124 000 ljudi, a Allah (dž.š.) zna koliko ih je još bilo kod svojih kuća. Danas ummet broji milijardu i 500 miliona ljudi, a koliko je preselilo od doba Poslanika (s.a.w.s.) do danas, a koliko će ih biti do Sudnjeg Dana, to samo Allah dž.š. zna.

U našoj bliskoj prošlosti bilo je onih koji su uspijevali probuditi mase. Jedan od njih je šejh Muhammed ibn Abdulvehab. On je očistio Saudijski poluotok od širka i

pridobio simpatije svih onih koji poznaju istinu. Od njegovog pokreta su nastali drugi pokreti koji su uspijevali, kao Ihvanul Muslimin u Egiptu koji su imali svoju vojsku i držali su većinu džamija i mekteba u zemlji. I njihova da'wa, hvala Allahu (dž.š.), proširila se čitavim svijetom.

Francuzi su okupirali Alžir i donijeli sa sobom mnoštvo kufra i nemorala, kao i Amerikanci i Evropljani u Bosnu. Pojavljuje se u Alžiru pokret uleme. Šejhovi Hamid i Ibrahim Et-Talibi prave preokret u Alžiru, i za vrlo kratko vrijeme su probudili mase i istjerali Francuze!

I danas, hvala Allahu (dž.š.), postoje mnogi islamski pokreti koji bude islamsku sahvu (vraćaju ljude islamu.) Zato islam ne trpi pesimizam, samo zna za rad i oslonac na Allaha (dž.š.), jer je rekao Allah (dž.š.) u suri El-Ankebut, u 69. ajetu: *“Oni koji se budu zbog Nas borili, Mi ćemo ih sigurno putevima spasa uputiti. Allah je na strani onih koji dobra djela čine.”*

## Slava pripada islamu i muslimanima

Iz ovoga bi čitalac mogao zaključiti kako Poslanik (s.a.w.s.) kaže da je mala skupina koja se bori za vjeru, a toliko je bilo Musaovih (a.s.) sljedbenika, a još više našeg posljednjeg Poslanika Muhameda (s.a.w.s.)

Odgovor: Kada se uzme u obzir čitav ummet, muslimani i kafiri, to je ipak malo. Poslanik (s.a.w.s.) nije poslan samo muslimanima, već svima - džinima i ljudima. Kur'an je poslan i džinima i ljudima, a dokaz za to je u Kur'anu i sunnetu Poslanika (s.a.w.s.)

*Kaže Uzvišeni: "Mi smo te poslali kao milost svjetovima." (El-Enbija, 107)*

*Reci: "O ljudi, ja sam svima vama poslan." (El-Ea'raf, 158)*

Hadis od Abdullaha ibn Džabira: "Dato mi je 5 stvari što nije dato ostalim poslanicima. Prijašnji poslanici su poslani jednom plemenu ili narodu, a ja sam cijelom čovječanstvu." (Buhari i Muslim.)

U suri El-Eanam, u 90. ajetu, Uzvišeni kaže: *"Reci: 'Ja od vas ne tražim nagradu za Kur'an, on je samo pouka svjetovima'."*



I ova grupa ljudi ne veže se za jedno vrijeme i jedan prostor. Oni su skupina koja seže od Poslanika (s.a.w.s.) do dan-danas i do Sudnjeg Dana kada će se svi sakupiti na jedno mjesto. Jer je Poslanik (s.a.w.s.) rekao u hadisu koji smo naveli "Da će uvijek biti u njegovom ummetu skupina ljudi na istini dok ne dođe Allahova odredba (Sudnji dan)". Tada će svi, i pojedinci koji nisu vjerovali biti skupljeni, bit će i jednih i drugih, a normalno, više će biti za Džehennem-da nas Allah (dž.š.) sačuva od njega! *"A lijep završetak pripada bogobojažnim."* (sura Ta-ha 132. ajet)

Moj omiljeni učitelj i prvi koji je oživljavao ovu sahvu Bašić Abdulmelik, jednom mi reče: "Ibrahime, ko se zadnji smije, taj osmijeh je najsladi."

Nemoj, moj plemeniti brate i cijenjena sestro, misliti da će musliman uvijek biti ponižen i živjeti u tminama zablude i tiraniji pod nevjerničkom čizmom zuluma. I kada drugi pokušavaju da islam predstave kao terorizam i zulum, fundamentalizam, radikalizam ili kako je jedan kršćanski misionar rekao: "Vjera je opijum za narod."

Svjetlo islama, slave i prosperiteta će zasijati, muslimani će dignuti zastavu islama iz prašine, ona će se visoko zavioriti nad muslimanskim dušama. Allah (dž.š.) i Poslanik (s.a.w.s.) su obećali da će se to pojavljivati s vremena na vrijeme. Nema mjesta za pesimizam, samo treba da odraste generacija koja će voljeti Allaha (dž.š.) i Poslanika (s.a.w.s.) više nego samoga sebe, više od porodice, imetka, koja će gledati Allahov (dž.š.) hatar, a ne hatar ljudi, koji će više voljeti ahiret od dunjaluka,

smrt više nego poniženi život, koji će težiti da steknu Allahovu (dž.š.) ljubav i naklonost, koji će voljeti u Ime Allaha (dž.š.) i mrziti u ime Allaha (dž.š.), kojima će dunjalučki cilj biti Allahovo (dž.š.) zadovoljstvo, prioritet rad za Allahovu (dž.š.) vjeru, težit će da što više dobrih djela učine. Allahov (dž.š.) novac će biti Kur'an i sunnet, njihova akida je tevhid, vjerovanje u Jedinog Allaha (dž.š.), a filozofija i demagogija će biti daleko od njih.

*“Ne gubite hrabrost i ne žalostite se, vi ćete pobijediti samo ako budete vjernici!”* (Ali Imran, 139. ajet)

Allah Uzvišeni je rekao u suri Saff i u suri Tevba, 32 – 33. ajeta: *“Oni žele da utrnu Allahovo svjetlo ustima svojim, a Allah će učiniti da svjetlo Njegovo uvijek bude, makar krivo bilo nevjernicima. On po Poslaniku svome šalje uputstvo i vjeru istinitu, da bi je uzdigao iznad svih vjera makar ne bilo pravo mnogobošcima.”* Ovo isto stoji u suri Saff.

Ibni Kesir kaže: “Nevjernici hoće da utrnu Allahovo svjetlo ustima svojim, a ono se mora uzdignuti, pa makar to oni i mrzili.” Riječ kafir označava onog koji pokriva ili prekriva istinu, a oni to ne mogu. Ovo je vjera istine, prirodna vjera koju prihvata razum, srce i duša, i ona će prevladati kod pametnog i razboritog čovjeka, od istoka do zapada.

Muslim u “Sahihu”, u poglavlju Smutnja i predznak Sudnjeg Dana, prenosi hadis: “Allah mi je poravnao zemlju, njen istok i zapad, a vlast mog ummeta će dostići do mjesta koje mi je poravnao.”

Od Mesuda b. Kubejsa se prenosi da je rekao: "Ovaj dio plemena Muharib je klanjao sabah, pa kada su završili Poslanik (s.a.w.s.) reče jednom mladiću između njih: 'Osvojiti ćete istok i zapad, a namjesnici tih pokrajina će u vatru, osim onih koji se budu bojali Allaha i predavali im povjerene stvari.'" (Musned imama Ahmeda, 366)

Kaže Temim Ed Darija: "To sam vidio u svojoj porodici! Ko je primio islam postigao je dobro, ugled i ponos, a ko je ostao nevjernik pogodilo ga je zlo, poniženje i glavarina (džizija)." (Ahmed u Musnedu, 4-103)

Možda mi sumnjamo kao Adi Ibni Hatim, kaže on: "Ušao sam kod Poslanika (s.a.w.s.) i on mi reče: 'Primi islam Adi, bit ćeš spašen!', a ja mu kažem: 'Ja imam svoju vjeru (kršćanstvo)'." Kaže mu Poslanik (s.a.w.s.): 'Ja poznajem tvoju vjeru bolje od tebe', i nastavi, 'Ja znam šta tebe sprječava da ne primiš islam. Misliš da islam primaju samo slabi koji nemaju moći i koje su Arapi odbacili. A jesi li čuo za Hiru? (planina u Iraku).' - 'Čuo sam za nju, a nisam je vidio', rekoš. Nastavi Poslanik (s.a.w.s.): 'Tako mi Allaha, Allah će uzdići ovu vjeru, pa će se žena iz Hire zaputiti da tavafi oko Kabe bez ičije zaštite i osvojiti će se blago Kisre ibn Hurmuza (posljednji perzijski vladar).' - 'Kisre ibn Hurmuza?', upitah ja. A Poslanik odgovori: 'Da, Kisre ibn Hurmuza, i blago će se dijeliti a niko ga neće htjeti.'" (Musned Ahmed, r.a.) Možda bi bilo mjesta za sumnju da se predaje Allaha i Poslanika nisu ispunile. Kaže Adi: "Sada se žena zaputi iz Hire, tj. Iraka na hadž, bez ičije zaštite. Bio sam među onima koji su osvojili blago Kisre ibn

Hurmuza, a tako mi Onoga u čijoj je ruci moja duša, ne sumnjam da će doći vrijeme da će se dijeliti blago, a niko ga neće uzeti.” A došlo je u doba Omera Ibnul Azizia, dijelio se imetak i niko ga nije htio. (El-Bidaje ve-n-nihaje, Ibni Kesir.)

U sirama se prenosi, 5. godine po Hidžri, kada se desila Bitka na Hendeku, 20 000 saveznika protiv 1400 ashaba je vodilo bitku. Poslanik (s.a.w.s.) prije bitke, na inicijativu Selmana Farisija, kopa hendek oko Medine. Poslanik (s.a.w.s.) je gladan kopao, a oko pasa su mu bila dva kamena. Udarao je krampom u kamen, kamen i kramp baciše varnicu, a Poslanik uzviknu: “Allahu Ekber! Dato mi je blago Bizantije, (tj. Rimljana).” (tadašnji Šam i Egipat) Drugi put kaže: “Dato mi je blago Perzije.” (sadašnjeg Iraka i Irana)

Šta su munafici odgovorili? “Muhammed nam obećava Bizantiju i Perziju, a mi ne smijemo ići u WC.” Munafikluk i kukavičluk su opasne bolesti.

Jesu li Ebu Bekr i Omer (r.a.) s ashabima osvojili Bizantiju i Perziju?

*“On ne govori po hiru svome, to je istina koja mu se objavljuje. Poučavao ga jedan, ogromne snage!”* (tj. Džibril, a.s.) - (sura Nedžm, 3.-6. ajeta)

Suraka ibn Malik je gonio Poslanika (s.a.w.s.) kada je bježao iz Mekke. Kada ga je pristigao, Poslanik (s.a.w.s.) mu kaza: “Kako ćeš se osjećati Suraka kada staviš Kisrinu krunu na svoju glavu?” On se čudio, možda kao i ti što rasuđuješ u domenu svog imana i ubjeđenja. Da ti

kažem da ummet može osvojiti Rim, Ameriku i pokoriti čitav Zapad. Ali Allah (dž.š.) sve može, On koga pomogne - taj je pobjednik.

*“Ako vas Allah pomogne, niko vas ne može pobijediti.”* (Ali Imran, 139. ajet)

*“Ja i Moji Poslanici ćemo sigurno pobijediti.”* (Mudžadela, 21. ajet)

U vrijeme Emiru-l-muminina Omera (r.a.), ashabi i tabiini su osvojili Kistrino carstvo, uzeli krunu i odnijeli Omeru (r.a.). On je zaplakao, pozvao Suraku ibn Malika i stavio mu Kistrinu krunu na glavu (Vidjeti siru; Bitka na Hendeku, i kako je Poslanik, s.a.w.s., činio Hidžru.)

Allah (dž.š.) je ispunio svoje obećanje s generacijama poput njih i čim se pojave slične generacije, Allah (dž.š.) će im pomoći vidljivom pomoći. *“Ne gubite hrabrost i ne žalostite se, vi ćete pobijediti samo ako budete vjernici.”* (Ali Imran, 139. ajet) *“A ako ostavite borbu, On će vas teškom kaznom kazniti i drugim narodom zamijeniti, a vi mu nećete naštetiti, Allah sve može.”* (Et-Tevbe, 39. ajet.)

Od Abdullaha Ibn Omera se prenosi da je Poslanik (s.a.w.s.) rekao: *“Kada se vi počnete baviti kamatom i poljoprivredom i uhvatite se za kravlje repove, Allah će na vas spustiti kaznu (poniženje) i neće ga dignuti, dok se ne vratite svojoj vjeri.”* (Buhari)

“Propast je čekati da kerametom dođe pobjeda. Zašto je onda došla prva objava?” *Uči! - Ikre!* (El-Alek, 1.)

*“On vam je spustio gvožđe, u njemu je snaga i korist ljudima.”* (Hadid, 25. ajet)

Pravite avione, tenkove, puške, fabrike, traktore, plugove! *“Konje i mazge dao vam je da jašete, i kao ukras, a napraviti ćete i ono što ne znate.”* (En-Nahl, 8. ajet.) Pravit ćete auta, avione, helikoptere (tehnološki napredak). Vidite simbolične podjele ajeta - Uči! Prati trend tehnologije.

*“Borite se, Allah će ih vašim rukama kazniti!”* (Et-Tevbe, 14. ajet)

Zapad poznaje samo pravo jačeg. Neće nas cijeniti narodi koji poznaju samo silu ako ne budemo sila, a uz to se doda čvrsta vjera - to je to ummete, nema spavanja! Islam ne poznaje pesimizam! Ako ne budemo svoje i sebe cijenili, ne očekujmo da nas drugi cijene. *Allah (dž.š.) obećava da će On, one među nama koji budu vjerovali i dobra djela činili, svojim namjesnicima na Zemlji postaviti, kao što je postavio i one prije nas.* (En-Nur, 55. ajet)

*“Allah će pomoći onoga ko Njegovu vjeru pomogne, lijepo mjesto na Zemlji dat ćemo onima koji budu klanjali namaz i davali zekat, i koji će naređivati dobro a zabranjivati zlo, a na kraju će se Allahu vratiti.”* (Hadždž, 40.-41.)

Muslimani ne trebaju za svoj neuspjeh kriviti kafire niti mudžahide, nego svoj pesimizam i polovičnost vjere i ličnosti. *“O vjernici, ako vi Allaha pomognete i Allah će vas pomoći i korake vam učvrstiti.”* (Muhammed, 7. ajet)

Neki muslimani iz Bosne smatraju da im ljudi s bradama i žene s nikabima sprječavaju put ka Evropskim integracijama, a ne znaju da će ih Evropa ostaviti bez čestitih žena, odgojene djece i uvući će ih u bankarsko - kamatne ralje. A zar se ne može biti dobar i napredan musliman, bio on Evropljanin, Istočnjak ili Balkanac, zar islam nije najbolji stimulans za to?! A i ako uđemo u Evropu, ne znači da trebamo klanjati dženazu vjeri. Japanci su prihvatili od Amerike tehnološki napredak ali ne i vjeru, tako će isto Mađarska, Rumunija, Bugarska, Srbija, Slovenija, Crna Gora i Hrvatska, ali neće dati svoju vjeru. To možeš, bolan ne bio, prodati ali kupiti ne možeš, ne zaboravi! Ako ne budemo cijenili sebe, neće nas ni drugi cijeniti, a ne zaboravite: *“O vjernici, za prijatelje uzimajte samo svoje, ostali vam samo propast žele. Jedva bi dočekali da muka dopadnete, mržnja izbija iz usta njihovih, a još je gore ono što kriju njihova prsa. Mi vam iznosimo dokaze, ako pameti imate.”* (Ali Imran, 118. ajet)

O Allahovoj pomoći: *“On pomaže kome hoće, On je silan i samilostan.”* (Rum, 5. ajet)

*“Obećanje je Allahovo, a Allah će obećanje Svoje ispuniti, ali većina ljudi ne zna.”* (Rum, 6. ajet) Rekao je šejh Ibn Kajjim: “Istina je pomognuta i popraćena iskušenjima. Zato, nemoj se čuditi jer je to zakon Milostivog.”



## Nagrada koja je pripremljena za pojedince (čudake)

**N**agrada je shodna njihovim djelima ili iskušenjima, pa ako su vodili džihad, poznata je nagrada za borbu na Allahovom (dž.š.) putu:

1. Pri prvoj kapi krvi, praštaju mu se svi grijesi
2. Vidi odmah svoje mjesto u Džennetu
3. Nema kaburskih iskušenja
4. Nema stajanja na Sudnjem danu i straha od njega
5. Stavlja mu se kruna šehadeta na glavu, jedan njen borak vrijedniji je od dunjaluka i svega na njemu
6. Zauzima se za 70 članova svoje porodice na Sudnjem danu,
7. Ženi se sa 72 hurijske ako je poginuo na kopnu, a ako je na vodi ili u avionu sa 144 hurijske. (Zbirka Sunnena, hadis)

A njihove duše do Sudnjeg dana borave u utrobama zelenih ptica koje lete po Džennetu, a gnijezda su im ispod Arša. Ako su bili dajje, onda su najbolji ljudi na dunjaluku, ovakvim ih je nazvao Uzvišeni u suri Ali-

Imran, 110. ajet: *“Vi ste najbolji ummet koji se ikada pojavio. Tražite da se čine dobra djela, a od nevaljalih odvraćate i u Allaha vjerujete.”*

U hadisu od Ebu Hurejre, a bilježi ga Muslim, Poslanik (s.a.w.s.) kaže: “Onaj ko bude pozvao nekoga da čini dobra djela pa ga slijedi, ima nagradu kao i on, a njemu se ništa ne umanjuje, a isto tako i za zlo.” (Muslim.)

Allah (dž.š.) im je obećao uspjeh i na dunjaluku i na ahiretu. *“Neka među vama bude onih koji će tražiti da se čine dobra djela, a od nevaljalih odvraćati, oni će uspjeti.”* (Ali Imran, 104. ajet) Znači, oni imaju dvije nagrade, za svoja djela i za djela onih koji ih slijede.

Blago se daijama! - nagrada za njihov ibadet i čvrsto držanje za Allahovo (dž.š.) uže u teškim vremenima. U hadisu od Ibn Abasa se prenosi da je Poslanik (s.a.w.s.) rekao: *“Ibadet u iskušenjima je nagrada stotinu šehida.”* (Bejheki)

U Muslimovom sahihu se bilježi da je Poslanik (s.a.w.s.) rekao: *“Ibadet u danima smutnje (herdža) je kao hidžra meni.”*

Allah (dž.š.) kada spominje dobra djela, u suri Et-Tevbe, 20. ajet, kaže: *“Oni koji vjeruju i sele se i bore na Allahovom putu imecima svojim i životima svojim, na visokim su stepenicama kod Allaha (dž.š.), i oni su od onih koji su uspjeli.”* Allahu Ekber! Allah (dž.š.) spominje prednost hidžre nad džihadom. Znači, ko hoće nagradu muhadžira u doba Poslanika (s.a.w.s.) neka ustraje u ibadetu danas, u ovim vremenima smutnje.

## Nagrada za oživljavanje sunneta

U hadisu sa slabim senedom, se prenosi da su garibi oni koji oživljavaju sunnet i poučavaju ljude njemu. Poslanik (s.a.w.s) je rekao: “Ko oživi jedan sunnet koji je zamro, ima nagradu 10 šehida.” SubhanAllah! U nas su zamrli farzovi, a ne samo sunnet, pa kakva nagrada tek predstoji za farz?!

U sunenu Ebu Davuda i Tirmizija, hadis od Ebu Salebete El-Hušenija kaže: “Pitao sam Poslanika (s.a.w.s.) o ovom ajetu.” (Maide, 105. ajet) *“O vjernici, brinite se o sebi, neće vam naškoditi oni koji nisu na pravom putu.”* Pa kaže: “Jeste, naređujte dobro i zabranjujte zlo sve dok se ne bude slijedila strast i škrtost i dunjaluk (imetak) i dok se ne bude svako divio svome mišljenju (kako je on onaj pametniji.) Tada se pobrini o sebi a napusti svijet. Tada dolaze dani sabura i bit će teško držati islam kao žeravicu u ruci, a tada ko se bude držao islama, imat će nagradu kao 50 ljudi. Božiji Poslaniče jel nagradu 50 od njih ili od nas (ashaba). Kaže, “50 od vas.”. Možete li zamisliti koliko je vrijedilo 50 ashaba.

Ko se u ovom i sličnom vremenu bude držao islama ima nagradu 50 ashaba. Ummete, možemo i hoćemo ovu nagradu, težimo ka ovim dobrim djelima, ovo je dobit, ovo ide na naš konto. Moj Gospodaru, učini me od ovih ljudi!

Pitao je Poslanik (s.a.w.s.) Muaza Ibn Džebela: “Hoćeš li da te obavijestim o kraljevima Dženneta?” Kaže Muaz: “Svakako, Božiji Poslaniče.” Rekao je Poslanik (s.a.w.s.): “Svaki slabi i prašnjavi. Niko ne obraća pažnju na njega, kada bi tražio od Allaha nešto, On bi mu udovoljio.” (Ibn Madže) Albani ga je učinio daifom (337. Džamiiu Sabir ve Zijade)

Ebu Umame od Poslanika (s.a.w.s.) prenosi: “Allah je najzadovoljniji sa svojim robom, vjernikom koji je slab i nejak, skrušen je u namazu. Na najbolji način se obraća svome Gospodaru, sa svojom nafakom je zadovoljan. Nepoznat je među ljudima, niko u njega ne upire prstom, i saburao je na tome dok nije sreo Allaha (dž.š.), iza njega je ostalo malo zaostavštine, malo je za njime žalilo, plakalo.” (Ahmed, 225), (Tirmizi 2347. strana)

U hadisu od Abdullaha Ibni Amra, bilježi Ahmed: “Spojit će ih Allah (dž.š.) s Isaom (a.s.) na Sudnjem danu.” A Poslanici neće biti kažnjeni na Sudnjem Danu. O njihovoj nagradi u Džennetu govore mnogi ajeti, jer svaka nagrada koja je u Džennetu garibi imaju udjela u njoj jer su oni najbolji od mu'mina. U hadisu od Seida el-Hudrija stoji da je Poslanik (s.a.w.s.) rekao: “U Džennetu ima stotinu deredža koje su pripremljene samo za mudžahide (Borce na Allahovom Putu).” (Buharija).

A to najbolje opisuje sura Wakia, od 10. do 26. ajeta:

- 10. *“I oni prvi, uvijek prvi!”*
- 11. *Oni će Allahu bliski biti*
- 12. *U džennetskim baščama naslada,-*

- 13. *Bit će ih mnogo od naroda drevnih,*
- 14. *a malo od kasnijih. -*
- 15. *na divanima izvezenim,*
- 16. *jedni prema drugima na njima će naslonjeni biti;*
- 17. *Služit će ih vječno mladi mladići,*
- 18. *sa čašama i ibricima i peharom punim pića iz izvora tekućeg -*
- 19. *Od koga ih glave neće boljeti i zbog koga neće pamet izgubiti -*
- 20. *I voćem koje će sami birati,*
- 21. *i mesom ptičijim, kakvo budu željeli.*
- 22. *U njima će biti hurije očiju krupnih,*
- 23. *slične biseru u školjkama skrivenom,-*
- 24. *kao nagrada za ono što su činili.*
- 25. *U njima neće slušati prazne besjede niti govor grješni,*
- 26. *nego samo riječi: Mir, Mir!''.*

Allahu Ekber! Je li Allah (dž.š.) u Kur'anu i za koga nabrojao ovakve blagodati kao za ovu skupinu ljudi?! Zar nije ovo nešto za čime treba da teži vjernička duša i da se smiri muminsko srce, a onaj ko nije čvrsto prihvatio vjeru u Jednog Allaha (dž.š.) da poželi i posrne za ovakvom nagradom. Hvala Allahu (dž.š.) koji ne čini zulum

nikome, a pogotovo onima koji su se isticali u ibadetima i u robovanju Allahu (dž.š.), po cijenu svoga života i imetka.

Poslanik (s.a.w.s.) je u hadisima spominjao riječ, tuba' koja je prevedena - Blago li se garibima. Ova riječ ima i drugo značenje. Ona je spomenuta u Allahovom (dž.š.) govoru, Kur'anu plemenitom.

U suri Rad (Grom), kaže Uzvišeni: *"Onima koji vjeruju i čine dobra djela, blago njima, njih čeka divno prebivalište."*

U knjizi Kitabul Tevhid, od meni dragog šejha, Muhammeda Ibnul Abdulvehaba, na strani 272. stoji hadis od Seida el-Hudrija, a on prenosi od Allahovog Poslanika (s.a.w.s.) da je neki čovjek rekao: "Allahov Poslaniče, blago onom ko te vidi i u tebe povjeruje ili ko te je vidio i u tebe povjerovao." Rekao je Poslanik (s.a.w.s.): "Blago onom ko me vidi i u mene povjeruje, i blago onom ko u mene povjeruje a nije me vidio." Zatim je čovjek upitao: "A šta je to Tuba?" Odgovorio je Poslanik (s.a.w.s.): "Drvo u Džennetu, veliko koliko je putovanje od sto godina." Ovaj hadis je zabilježio imam Ahmed.

Odjeća stanovnika Dženneta izrasta iz njihovih pupoljaka, za ovo ima potvrda u dva sahilih. Ibni Džerir ima u vezi ovoga čudnu predaju od Vehba Ibn Munebiha. Vehb je rekao: "U Džennetu ima doista drvo koje se zove Tuba. Putuje se u njegovom hladu sto godina i ne prođe ga. Njegov cvat je tanka tkanina, njegovi listovi su

ogrtači, njegove grane su amber, njegova dolina je safir, njegova zemlja je kamfor, njegovo blato je misk. Iz njegova korijena izviru rijeke vina, mlijeka i meda, on je mjesto okupljanja stanovnika Dženneta.

I tako, dok oni budu okupljeni na tom svom mjestu, doći će im meleki od njihova Gospodara, vodeći rasne konje za uzde od zlata. Lica im od ljepote sijaju kao svjetiljke. Njihova dlaka je nježna kao misirska svila, na njima su sedla čije su ploče od safira. Njegove strane su od zlata, njihovi pokrivači su od dibe i kadife. Oni će im narediti da kleknu i reći će: ‘Uistinu nas je naš Gospodar poslao vama da ga posjetite i poselamite’, pa će oni uzjahati. Oni su brži od ptice a ugodniji od postelje, i kasaju bez napora. Čovjek putuje pored svoga brata, s njim razgovara, priča a da mu uho jedne jahalice ne dodiruje uho druge jahalice, niti prsa jedne jahalice prsa druge.

Čak će se i drvo skloniti s njihova puta da ne bi razdvojilo čovjeka i njegovog brata. Tako će doći Milostivom i Samilosnom, On će im otkriti Svoje lice da ga vide. Kada Ga vide reći će: ‘Allahu, Ti si selam, od Tebe je selam i Ti zaslužuješ Veličanstvo i Plemenitost.’ Tada će Uzvišeni reći: ‘Ja sam selam, od Mene je selam, i vi ste zaslužili moju milost i ljubav. Neka su dobro došli Moji robovi koji su se Mene bojali kada su bili sami i pokoravali se mojoj naredbi!’ - Oni će reći: ‘Gospodaru, mi Te nismo obožavali onoliko koliko Ti zaslužuješ i nismo Te veličali onoliko koliko zaslužuješ da budeš veličan. Pa daj nam dopuštenje da sedždu pred Tobom

učinimo’.” Tada će Allah reći: ‘Ovo nije kuća obožavanja niti hatora, nego kuća vlasti i uživanja. Ja sam vas uistinu oslobodio napora obožavanja, pa Me pitajte što želite. Svako od vas ima svoju želju.’ Oni će Ga pitati tako da će čovjek s najmanjom željom kazati: ‘Gospodaru, ljubitelji dunjaluka takmičili su se u njemu, pa im je bilo tijesno. Gospodaru, daj mi isto što su oni imali od dana kad Si dunjaluk stvorio do vremena kada je dunjaluk završio.’

Allah Uzvišeni će reći: ‘Želje su ti male i tražiš manje nego što si zaslužio. Ovo ti je od Mene, jer u Mom davanju nema pomanjkanja niti manjkavosti.’ Zatim će reći: ‘Pokažite Mojim robovima do čega želje u njihovim dušama nisu doprle!’ Među onim što će biti izloženo bit će tegleći konji u parovima. Na svaka četiri bit će ležaj od jednog safira. Na svakom će ležaju biti kupola od livenog zlata. Pod svakom će kupolom biti džennetska prostirka i dvije hurije. Na svakoj će huriji biti dvije džennetske haljine. U Džennetu neće biti boje a da se na njima ne nalaze, niti mirisa a da se u njih nije upio. Svjetlost s njihova lica osvjetljava dubinu kupole, ko ih vidi misli da su one van kupole. Moždina njihovih kostiju vidi se odozgo kao bijela nit u crvenom safiru. One smatraju da je on vrjedniji od svoje supruge kao što je sunce vrjednije od kamena. Ili još više, a i oni misle o njima isto. Zatim će ući kod njih, a one će ga grliti i ljubiti govoreći mu: ‘Nismo znale da će Allah ovako nešto lijepo stvoriti.’ Zatim će se narediti melekima da sa njima putuju poredani u safovima kroz Džennet, dok svako od njih ne dođe na svoje mjesto boravka koje mu je pripremljeno.”



U Ibni Kesirovom tefsiru se tumači riječ (tuba). Od Ibni Abasa, Alije ibni Ebi Talha kaže: “Radost i zadovoljstvo”, i kaže, Divno je ono što im pripada. Drvo Tuba - to je Džennet ili drvo u Džennetu, a svako džennetsko drvo nastalo je od ovog drveta. A svaka kuća u Džennetu ima grane tog drveta. Iz korijena tog drveta sve džennetske rijeke istječu, rijeke od meda, vina i mlijeka.”

Imam Ahmed bilježi od Ebu Hurejre da je Poslanik (s.a.w.s.) rekao: “U Džennetu ima jedno drvo čiji je hlad toliki da će jahač ići stotinu godina, pa ako to želite, onda učite u hladovima prostranim.”

## Završna riječ

**Z**nam da nisam iscrpio temu i svjestan sam da je samo Allah (dž.š.) savršen. Ako je bilo mahana u knjizi - to je od mene, a ne od šeri'ata i to je znak ljudske slabosti. Želim da završim s nasihatom.

Sestri i bratu u vjeri savjetujem: "Vaš islam - vaša vjera, vaš ponos - vaša čast."

*"Mi vam objavljujemo knjigu, u njoj je slava vaša ako razumijete."* (El-Enbija, 10. ajet)

*"Ponos pripada Allahu i Poslaniku i vjernicima, ali munafici ne znaju."* (El-Munafikun, 8. ajet).

Pesimizam je stranac vjernicima.

Sestro, tvoj hidžab, tvoja vjera je tvoj ponos i znak da te je Allah (dž.š.) odlikovao nad drugima.

Brate, tvoja brada, tvoje kratke nogavice, tvoja prepoznatljiva nošnja, tvoja vjera je ono što je najvrjednije. Vrijedi ustrajati na putu do Dženneta, držimo se Kur'ana i sunneta. To je Istina zbog koje su stvorena nebesa i Zemlja, po njemu se uklapa prostor i vrijeme.

Molim Allaha (dž.š.) da nam oprost i sve nas spoji u Džennetu!

Gospodaru svjetova, oprosti meni i mojim roditeljima, braći i sestrama. Uputi nas na pravi put, put Kur'ana i sunneta!

29. januar 2012.

*Ibrahim Ibro Delić*

Željezno Polje - Žepče

## **Sadržaj**

Bismillahi-r-rahmani-r-rahim .....	5
Šta je, ummete, razlog nazatka?! .....	7
Garibi .....	9
Osobine gariba .....	14
Da'va.....	16
Ustrajnost.....	19
Stanovnici pećine (ashabu-l-kehf) .....	27
Slava pripada islamu i muslimanima .....	29
Nagrada koja je pripremljena za pojedince (čudake) .....	37
Nagrada za oživljavanje sunneta .....	39
Završna riječ .....	46